

He ghynck to bellyne vnde sprack
 Seer henger den rentzel an yuwen hals
 Vn it vorbede yw als vnde als
 Vp dat it yw nicht bydde vorghenes
 Nicht schole gy beseen de schrift des breues
 Wente desse breue hebbe it also
 Vorwaret. dar vmmē latet se to
 Gy mōt hen of nicht den sact vp doen
 So werde gy vordenen schencke vnde loent
 Wan yd de kōnynck so heft gevunden
 Dat de rentzel is to gebunden
 In sodaner wyse alze it ene yw
 Hebbe gedaen to vorwarende nu
 Hdret my recht yd wert yw vroment
 So wan gy vor den kōnynck komen
 Wyl gy dat he yw schal hebben leeff
 So segghet dat gy suluen den breeff
 Sycheden yn hebben gegheuen
 Den raed dat he so is geschreuen
 Gy krygen loent vnde groten danck
 Belyn wart frōlyck vnde spranck
 Van der stede dar he stoet
 Hōgher dan anderhaluen voet
 Vn sprack reynke neue vnde here
 Au weet it dat gy my doen ere
 Au werde ick krygen seer groet loff
 By al den heren in deme hoff
 Wan je seen dat it so wol kan dychten